



Langile bat hil da Olaztin

LA HAINE - EUSKAL HERRIA :: 16/02/2024

Cementos Portland enpresan izandako lan-istripuan zendu da, eta jakinarazi dutenez litekeena da zerbaitek behargina harrapatu izana.

Altsasuko 32 urteko gizon bat hil zen atzo eguerdian Olaztiko (Nafarroa) Cementos Portland enpresan izandako lan-istripuan. 13:47etan gertatu zen ezbeharra, eta jakinarazi dutenez litekeena da zerbaitek behargina harrapatu izana.

Dagoeneko 15 pertsona hil dira aurten lan-istripuetan Euskal Herrian, horietako sei Nafarroan. Ildo horretan, EAEan baja eragin duten 4059 lan-istripu erregistratu zituen aurtengo urtarrilean, hau da, %29,6ko igoera izan da iazko hilabete beraren aldean, 926 ezbehar gehiagorekin.

https://www.lahaine.org/mm_ss_est_esp.php/langile-bat-hil-da-olaztin